

趙州鄉土志

130 101

1539

歷史

趙州建置年代

北齊天保二年因避太子名改殷州曰趙州趙州之名始此

未置本境以前

唐虞夏商

冀州境

周

春秋時為晉邑名棘蒲左傳哀公元年師及齊師衛

孔圉鮮虞人伐晉取棘蒲即此今有棘蒲社

戰國改棘蒲為平棘仍屬晉至三卿分晉趙之版圖日擴延袤數千里則專為趙地矣

秦

屬鉅鹿郡顯王四十五年趙武靈王城鄔以拒中山棘蒲寔為屏翰至趙遷七年遂入於秦屬

漢

置平棘縣故城俗名固城在今治東南三里又置封斯為

侯國封斯戴侯劉胡傷在今治西南二十五里有東



西封斯二村屬常山郡

漢恆山郡治在今元氏縣後避文帝諱改恆為常

置宋子縣故城在治東北三十五里即今宋城村

史記

高漸離匿作於宋子即此又置敬武縣故城在州東北元帝封女敬武公主為湯沐邑即此屬鉅鹿郡

後漢

平棘縣屬常山國封斯宋子敬武俱廢

魏

平棘縣屬常山郡

晉

置趙國治平棘

後魏

置趙郡治平棘屬殷州治廣阿在今隆平永安二年

復置平棘縣宋子縣仍屬鉅鹿郡

北齊

天保二年改殷州曰趙州避太子名也初治廣阿後

移平棘宋子房子二縣並省

房子縣屬趙州唐改為臨城故城在高邑縣西

南十五里

既置本境以後

隋

趙郡開皇初郡廢改藥州故藥城在州西十六里春
呼為大業初復為郡治平棘

唐

趙州武德初復為州治柏鄉四年還治平棘五年改
曰藥州貞觀初復故屬河北道天寶初曰趙郡乾元
復曰趙州

五代

趙州治平棘

宋

慶源府初亦曰趙州崇寧四年賜號慶源軍節度尊

國姓也宣和元年升為府屬河北西路靖康後入於

金宋靖康二年為金天會五年五月金人以二帝北
行金將斜卯阿里還攻趙州降之遂入於金

金

沃州天德三年更趙州為沃州取水沃火之義亦曰

趙郡軍屬河北西路後廢金正大二年元將史天澤
使守之復慶源軍本

號州遂入於元

元

趙州屬正定路

明

趙州屬正定府以州治平棘縣省入

國朝

趙州仍明舊制屬正定府雍正二年升趙州為直隸
州割贊皇屬正定府趙州遂不屬正定矣

政績

官本境者有惠政謹按之以年月先後為次序

興利

魏

崔孝偉安平人任趙州太守教民種植收復流亡興立學校親加勸勉士民沾其實惠今傳頌之見北史

唐

弓志元永徽五年為平棘令大興水利開源引流以待蓄洩民食其利者多年見唐書地理志

元

趙玉振任慶源軍之日戶不滿百披荆棘拾瓦礫招復流亡立廬舍課農桑通商旅愛民如子當時稱良吏者為巨擘焉

明

章綸知趙州事操守廉介聲譽著聞後知晉州值歲飢饉賑濟有方民賴以生活者甚眾焉

何濬知趙州事敷仁布惠不尚鞭笞賑濟飢民招復流亡通商旅浚井泉立學校任六年之久及歸州人

慰問不絕各家立主以祀凡有疾病皆於公木主前
禱之

潘洪知趙州事教民稼穡流離轉徙聽訟之暇召集
諸生賓禮賢能繕城浚隍俾州人踴躍爭先

馬中良知趙州事啟迪後學如課子弟捐俸金賑貧
乏在趙五年士林愛戴去之日諸生依依不忍別離
去後立碑記之

國朝

陶鼎鉉知趙州事聽斷精明訟獄良息修葺聖廟不
憚勤勞清丈地畝欺隱畢露賦役迺均力行保甲崇

祀名宦永昭盛典

祝萬祉知趙州事修常平倉工料堅實規模宏闊聽
政之暇親身督工又率倡士人纂修趙州志

龔嶸知趙州事政治勤肅廉隅自飭倡捐俸金增置
義田不任吏役羣黎戴德

孟傳鑄判趙州事博聞強記性情直樸常以培植人
材為己任趙州志書公所輯續者居多查驗河道不
憚勞雖夏日炎炎未嘗稍怠

去官

魏

李曾平棘人治鄭氏春秋以教授為業太祖時徵為
博士出守趙郡令行禁止劫盜奔竄有鄰境賊獲趙
郡死鹿賊長聞之令還使鄰境畏憚如此人稱廉明
真不誣哉

見魏書

北齊

鄭述祖滎陽開封人官趙州刺史以清白傳家百姓
歌曰大鄭公小鄭公能繼父志遺子孫凡所任之境
皆有實惠諡曰平簡公

五代

烏震純質好學通左氏春秋喜作詩工書及任趙州
刺史居心廉平革去弊政有擾民之事酌除之後陞
為太師

符令謙昭慶人有勇力善騎射任趙州刺史善政昭
著民愛之如父母後卒於趙州州人號泣送葬當時
稱為良吏

見五代史

宋

魯伯能判慶源軍事天姿明敏博學工文生平無所嗜好惟以翰墨自娛著有文集百餘卷弊政悉革元

耶律天祐契丹人父忒未祖丑哥仕遼為都統大義
慄慄死不屈節金主憫其忠義見元史

國朝

胡枝蕙知趙州事禁賭弭盜持法甚嚴境內有素好賭博者公在不敢犯公去後有婦女百人跪送而歸涕泗交頤叩其故曰我家男子好賭今胡公去矣吾

家何以安業

許宏知趙州事驛馬購草公平交易催完國課不輕笞責訓迪諸生加以慈色及其去時父老攀轅

商永傑知趙州事才猷素裕奮發有為注意學校士風丕振築修文廟所費甚鉅悉捐己俸未嘗索諸民間耳

李夢白知趙州事立志剛方處世不阿莅任以及六載士民無不感戴有強暴者不畏險禦時常設法除之去後建立碑碣以誌功績

聽訟

明

趙開心知趙州事決斷如神案無留獄屢經兵燹民心惶惑撫恤殘黎如救焚溺兵事日急餉需遞增寧甘下考不忍敲朴百姓

國朝

韓廷柱知趙州事聽斷明決行政寬和居心誠樸不任吏役父母之頌至今嘖嘖稱之民呼為白日青天李坦知趙州事正色率下疑獄悉剖凡遇水旱躬親祈禱施賑救荒捐貲不吝四野頌之

姚麟紱知趙州事聽斷明確猾胥畏威甄拔士類賢才無遺去之日民送之數里之外莫不揮淚

段廣瀛知趙州事時務諳練決獄如神案牘之暇訓迪多士躬修書院增立齋舍文風為之一振

劉錫穀知趙州事聽斷精細善理兵差同治間擒匪北竄湘營駐蘇村大石橋供億悉捐已俸不累鄉民張保泰知趙州事廉能勤敏案無留牘吏畏民懷性尚儉約僕從甚少去之日州人攀轅送之

兵事錄

周

敬王二十有六年晉范吉射荀寅出奔齊師魯師衛

孔圉鮮虞人伐晉取棘蒲今趙州城南有棘蒲社以救范氏

二十有九年晉趙鞅圍邯鄲荀寅奔鮮虞在今趙新樂趙穆

奔臨在今趙州

安王二十有一年趙借兵於楚伐魏取棘蒲

二十有五年趙與中山戰於房子

顯王十有二年趙城鄆中山引水灌鄆鄆入中山

赧王八年趙武靈王北畧中山之地至房子

至三十有二年趙取齊昔陽今正定府藁城縣西南

四十年趙使廉頗攻魏房子拔之因城而還

五十有八年秦伐趙魏公子無忌救趙大破秦軍於

邯鄲下趙王以鄆為公子湯沐邑

趙孝成王十五年燕王令丞相栗腹攻鄆趙使廉頗

將大破栗腹於鄆殺之

周末諸國

趙王遷二年秦桓齮伐趙趙將扈輒被殺趙以李牧為大

將復戰於宜安秦師敗績趙封李牧為武安君

七年秦人攻趙趙王遷降邯鄲為秦趙氏之國至此

始滅

秦王政十九年秦王翦大破趙軍殺趙葱顏聚亡遂克邯鄲

虜趙王遷秦王如邯鄲故與母家有怨者皆殺之

二十六年二世之亂楚將武臣自立為趙王為將李

良所弒趙將張耳陳餘乃立趙歇為趙王未幾秦章

邯擊趙楚將項籍救解之遂徙歇為代王立趙相張

耳為常山王

秦

二世元年楚遣武臣張耳陳餘徇趙下趙十餘城

二年章邯擊趙破邯鄲張耳以趙王走鉅鹿王離圍

之趙請救於楚楚以宋義為上將軍項羽為次將軍

范增為末將帥師救趙

楚漢

漢王二年陳餘聞田榮王齊乃使夏說往說榮假齊

兵共襲常山張耳敗走歸漢餘收趙地迎代王歇復

王趙

三年漢韓信下趙井陘斬陳餘泚水上擒趙王歇
四年韓信既定趙地請王張耳遂立耳為王

漢

高祖八年上擊韓王信餘寇過柏人趙王張敖耳子
執子婿甚恭帝不為禮趙之陪臣貫高等壁人於廁
帝欲宿心動而去

漢淮陽王

更始趙國大豪李育張參等擁卜者王郎稱帝於邯
鄲徇下幽薊

二年大司馬劉秀北擊中山移檄邊郡共擊邯鄲至
鄆斬王郎

後漢

光武帝建武元年夏六月蕭王即皇帝位於鄆南遂
改鄆為高邑

中平元年鉅鹿張角以妖術作亂號黃巾賊詔下冀
州逐捕趙地大擾

晉

惠帝永興元年王浚反太弟穎遣王斌石超討之浚

等擊破王斌敗石超於平棘

二年成都王穎既廢其故將公師藩等自稱將軍起兵寇掠趙地

懷帝永嘉三年漢石勒來寇趙地

孝武太元二十一年魏王珪使冠軍將于栗磾開韓信故道自井陘進攻趙地悉降之

南北朝

梁武帝大通元年葛榮陷魏殷州刺史崔楷死之

二年春二月魏高敖曹邀擊殷州刺史爾朱羽生大

敗其衆夏四月魏李元忠逼殷州

隋

恭帝皇泰元年賊帥魏刁兒竇建德等劫掠趙地

二年建德取唐趙州

唐

中宗嗣聖十有四年周遣武懿宗婁師德擊契丹懿宗軍至趙州聞契丹將至冀州懼而南遁契丹遂陷

趙州

十有五年突厥默啜圍趙州刺史高叡與妻秦氏不

屈而死

天寶十有五年安祿山反賊帥史思明攻陷趙郡夏四月郭子儀李光弼戰敗之進拔趙郡九月史思明復陷趙郡

肅宗寶應元年賊帥張忠志與僕固懷恩戰敗以趙郡降

德宗建中二年成德節度使李寶臣卒子惟岳拒命張孝忠擊敗之其將康日知以趙州降

三年夏四月朱滔王武俊反發兵救田悅寇趙州詔

李懷光討之敗績秋七月李晟自魏州引兵救趙王士真解圍去遂與張孝忠北畧恒州

憲宗元和十有五年冬十月成德節度使王承宗卒弟承元以鎮趙深冀歸有司詔田宏正帥之

昭宣帝七年晉王遣周德威將兵屯趙州十二月梁王景仁等進軍柏鄉晉王自將至趙州與德威合距柏鄉五里營於野河之北

八年晉王伐梁軍於柏鄉大破之二月留周德威戍趙州

武宗會昌三年昭義節度使劉從諫卒其子稹自為
留後詔諸道官兵討之諭鎮帥王元逵攻其邢洛磁
三州元逵聞命出師屯趙州拔宣嶠柵敗劉稹兵於
堯山

十八年成德軍張文禮作亂據趙州八月進兵拔趙
州

十九年晉師圍鎮州不克退保趙州

五代

梁太祖四年梁軍逼鎮州晉王存勗會周德威於石

橋進營野河之北

乾化元年春正月梁及晉軍戰於野河大敗

晉天福六年冀州刺史張建武等取趙州

宋

太宗雍熙三年契丹大舉入寇攻趙州大掠而去詔
給復二年

真宗咸平二年契丹主隆緒入寇趙州帝自將禦之

徽宗宣和七年金人寇保州安肅軍

今縣屬保定府

不克旋

圍中山府知府事詹度禦之復攻慶源

今趙州境師益南

侵

欽宗靖康元年金人入寇姚古种師中等追幹離不

於趙此後金復入寇執徽欽割其兩河地以畀金趙遂屬金

高宗建炎二年和州防禦使馬擴等迎皇帝信王榛

於慶源五馬寨在今贊皇縣東遂奉榛總制山寨兩河遺民

聞風響應

甯宗嘉定二年蒙古分兵攻金河北諸郡悉拔之趙

地人民殺戮殆盡

理宗寶慶元年蒙古史天澤討武仙於趙州武仙奔

贊皇西山彭義斌以兵救仙天澤擒斬之

元

順帝至正二十年紅巾賊帥屠甯晉陷趙州

二十七年擴帖木兒敗貊那傑於趙州

明

洪武元年十一月大將軍徐達副將軍常遇春率師

下趙州以參隨王成守之

景帝景泰元年少保于謙奏益正定郡縣戍守官從

之此時趙屬正定凡言正定郡縣者趙州皆在其中